



O vin voie di meti adun une altre iniziative!

Une robe facile, parcè che o vin pensât che in nestrîs contecurtârs, in chest periodi di Sierade, a son un pôc sflacjons, cu lis contis. E dongje di chest o vin pensât che **l'esperiment di podê scoltâ lis contis dal sît (o di Spotify, o di altris puecj simii) al jere vignût une vore ben.** E alore?

Alore o vin pensât di stiçâus!

L'Ostîr al à invidât dute la sô Clape, dal Famei a la Massarie, a **sielzi une conte che al à voie di interpretâ e di lei, tra dutis chês publicadis su la Osterie fin cumò,** in maniere di meti dongje une schirie di scoltis, magari di contis che us son scjampadis o pûr che al

sarà un gust sintî scoltadis.

Cussì o proviodarin a fâ lavorâ un pôc Chei di Contecurte che a stan plui dibant e o podin tornâ a **tirâ fûr il nestri Scoltecurte**, la iniziative che o vevin metût adun cualchi mê s fâ par lei lis contis a cui che al telefonave al Ostîr. A proposit... E l'Ostîr al stial cu lis mans in man, simpri a comandâ?

Eh no!

Ve chi che a jentrin in zûc ducj i contecurtârs, comprendûts Chei di Contecurte. L'Ostîr, di vuê fin ai 16 di Otubar, date de Conte dal Mê s, al spiete lis vuestris contis e jenfri dutis chês che a rivin in chescj dîs al sielzarà chê (o chês) che i plâs di plui e la leiarà lui!

Si che duncje, cheste e sarâ **La Prime Scoltecurte!**

E alore su, scomençait a pensâ une conte di scrivi e di mandâ nus, par **podê Scoltâ la vuestre conte.**